

den nit bezaltint noch vssrichtint . als vor ist beschaiden . Ald daz wir si an den stetten . da si von siner wegen / von versprechens . von angütschaft von Bürgschafft ald von ander sach . wegen noch hafft sint . an allen jren schaden nit gantzlich ledgitint noch lößtint . als hie vor geschriben stât . Daz denn die selben von Veltkirch . jr / erben vnd nächkomen . gemainlich vnd . sunderlich . wie jnen denn füget . vnd och jr helffer . vollen gewalt güt Recht vnd fryes vrlob haben sont . mich vnd alle min erben . Dârvmb an ze griffent ze hefftent ze pfendent / ze bekumberent vnd vmb ze tribent . an allen vnsern landen vnd lûten . ligenden vnd varenden gütern wir habintz ietz . ald wir gewinnintz hienâch . in Stetten vnd vff dem land . vnd mit namen allenthalben wâ vnd wie si / daz vnser dârumb jemer an komen kunnent vnd mugent . es sig mit gericht gaischlichem ald weltlichem ald an gericht . als lang als dik vnd als vil . vntz daz si aller obgeschribnen jro selbs geldschulden . gar vnd gantz- / lich vngevärlich an jro schaden bezalt vnd vssgericht werdint . vnd och von allen den schulden . da hinder si sint . es sig von versprechens von angütschaft von Bürgschafft ald von ander sach wegen . als vorgeschriben stât och / gantzlich an jrn schaden erlößt vnd geledget . werdent an all gevârd . Vnd sont si noch enkain jr helffer . da mit in dekain wyse nit getân gefräfelt noch mißvarn han . vnd sol och mich noch min erben . noch enkain vnser / lût noch güt als vor ist beschaiden . vor dem selben angriffen hefften pfenden bekumbern vnd vmbtriben . enkainest nit schirmen . weder gaischlich noch weltlich gericht . Stettrecht Burgrecht lantfrid lantgericht noch lant- / recht . des Bâpstes Bân . noch kaysers âcht . enkain fryghait Buntnuß gesellschaft ainung noch gesetzt der fürsten der herren der Steit noch des landes . die ietzo sint . ald noch werden vnd vffstân môchtint . noch enkain / ander vffzug schirm noch geschriben Recht suß noch so an all gevârd . Es ist och bereft . vmb alle die geltschulden . so der obgedâcht min lieber ôhen sâlig . sinen dienern . die vff den tag sin diener gewesen sint . do er / lebt vnd tod was . vnd och allen sinen lûten vff dem Land . es sigint frôwen alder man Amptlût ald ander lût . die nu miner herrschafft von ôster- / rich . von sines todes vnd abganges wegen . gevallen sint vnd zûgehören / sont schuldig ist . Ald ob der selben siner diener . ald dirr obgedâchten siner lût . dehain . an dehainen stetten für in och versprochen hettint ald von sinen wegen . angülten ald Bürger noch wârint . vnd ob die selben lût / gemainlich ald sunderlich . von ander